


97799

地420.11

641

部14:1



寬
城
隨
筆

序

禮稱入境問禁入國問俗雅稱周爰諮度周爰諮諏所以資印証而廣觀記也予於癸丑孟秋旅食寬城供職吉長路局寬城即長春縮穀吉黑奉三省鐵軌四達冠蓋絡繹退食之暇恒與賢豪士大夫遊述其山川風景考其俗尙土宜證之以志乘繼之以遊歷懷握鉛塹隨時筆錄再閱暑寒哀然成帙爰付版印以遺同志顏曰寬城隨筆聊備軒輶採風之一助云爾

民國紀元歲次丁巳暮春之月吳樵自識於吉長寓廬

寬城隨筆

長春縣亦曰寬城子（土稱）其命名始於遼按遼史置密州昌德軍屬上京路金大定間廢承安二年移州於長春縣而以故地爲金安縣則知長春縣之建設實始於遼元代爲郭爾羅斯部烏巴什占踞分前後二旗清天命九年歸服於清至嘉慶五年因墾民日衆遂置長春理事通判設廳治於新立屯（兩距今縣治五十里）道光五年移於現在治所之寬城子光緒八年改稱撫民通判十五年升府民國二年又改爲縣其沿革如此

長春地形平衍土地膏腴東通省會北控德惠農安南扼雙陽伊通西接奉屬懷慶伊通河流橫貫其中就地勢論並非險要之區特自東清鐵路告成縮歐亞交通之樞紐平夷洞達商旅輻輳街市遂日以繁盛甲辰日俄戰後俄將東清路南段割讓於日更爲東清南滿兩路起訖之地點吉長鐵路告成又控制省會之交通故論東省交通要道當以長春爲首屈一指焉

寬城隨筆

錫成公司代印

長春物產以農產物爲大宗黍豆粟麥所在多有尤以豆麥高粱爲最盛一年一收下種須俟冰融後約在陰歷四月初旬收穫在陰歷九月間因地力饒沃收成極豐農民一度犁田不復再施耘耨亦並不加以壅培而芟芟蕃茂更勝內地沃壤據農學家攷驗謂吉省地力極肥栽種植物十年不加肥料不至枯瘠誠一片大好農業場也乃強隣虎視眈眈日謀侵奪我不能設法抵禦爲興墾蕃殖之圖大好河山供人蠶食不亦悲哉

東省金融之紛雜無有過於長春者通用錢幣有大小銀圓官帖銅圓羌帖（俄幣）老頭票（日幣）正金鈔票等種種商界通用主幣爲官帖而小洋次之官帖有一吊二吊三吊五吊十吊五十吊一百吊數種係吉林永衡官銀號發行我國錢法本來極壞各銀號錢店類得發行錢票官中並不取締偶有倒閉商民大受其損此在京津各地屢見不鮮長春往昔亦蹈此弊迨前清光緒季年吉省永衡官銀號成立所發官帖大受社會歡迎當時北洋一圓祇可兌三吊有餘東省現



銀缺乏市面流行之錢幣幾全屬此項官帖奈當事者不知準備現金維持信用仍濫發無度遂至充溢市面價值一落千丈無從挽救甲寅夏秋之交大洋每圓可兌官帖十八吊小洋每圓兌十六吊有奇當軸者爲整頓錢法維持市面起見稟准政府收回官帖定率每小洋一元換官帖七吊作爲定額商民不得擅自增減違者治罪乃作法自斃令出不行官吏及銀號執事乘機漁利纍纍然填其貪囊而公家及商民未受絲毫利益反蒙絕大損害何則蓋官廳既定官價當令銀號如數兌發乃商民持帖往兌現銀者始則限制兌換之人繼則限制兌換之數人數擁擠則加以挾衆滋事之罪名兌帖較多又加以違犯禁令之訓斥甚且刑罰隨之而長官予取予求行員自由兌換莫可究詰故攫獲多金者不遇少數私人而商民交困金融呆滯錢法益加敗壞未幾小洋一元又可兌至十四五吊矣嗚呼此項官帖苟不全數設法收回銷燬淨絕前途之害正未可勝言也商人之買空賣空者當地稱之曰搗把業此者頗多日人蓋商民爲此每遇官中

禁令即無法可施黠者往往竄匿頭道溝〔日僑居留地〕託庇外人字下以遂其營利之私圖久之日人習知此中真相亦遂紛起角逐於是頭道溝遂成爲搗把之發源地每入北門內一帶銀錢舖常見木屐侏儒來問銀市者連翩皆是各銀號錢舖視銀價之漲落任意抑揚旅客初至長春兌換貨幣無有不受其欺者此種行爲無殊盜賊而商民方視爲惟一之牟利生涯街衢間鱗次櫛比悉屬此類小錢舖比諸他項營業尤爲發達

縣屬學校有師範中學高小兩等女子師範等校悉在城內馬號門一帶係歸長春道管轄設備多不完善教師亦多不得其人故形式精神一無可取學生寥若晨星多不足額其來者並非以求學爲目的蓋因學校不收學費貧寒子弟來受公家養育耳年齒少長自能謀生卽掉頭退學而去故成效絕鮮至於私塾改良者尤少攷其原因蓋長地人民土著少而客籍多商賈人等大半來自燕齊多不携家室土著農民散處各村自成風氣不知教育爲何物富紳官吏又往往自延

教師故教育更不易發達綜觀東省各屬大抵類此當軸者苟不知設法提倡惟事顛預敷衍恐教育前途永無振興之一日余意整頓之責究在長官一宜多派有學識經驗之視學觀察各屬學校報告優劣由長官分別懲獎二宜不吝修膳多延良好校長教師三東省各縣市街大抵交通不便一遇雨雪淫潦載途行人裹足宜修整道路以便學生往返四畢業學生該上級機關及該校長等應多方爲之謀事以上四項倘能切實履行學務當大有起色至推舉富紳巨商爲學董多開運動游藝等會以聯絡各界且引起常人慕學心茲數事於籌款有極大影響是又當事者及管理人所當注意者也

實業一項無足稱述惟商埠有一電燈廠係官營機關開辦之目的原爲抵制南滿鐵路附屬電燈廠而設此廠辦理尙稱得宜惟資金少而設備尙未完全營業所入僅敷所出又頭道溝有裕昌源麵粉公司營業尙稱發達此外則城中有小織布廠及毛巾廠一二處

當地名勝之區甚少郊外東南一隅峯巒起伏有小山數疊而石碑嶺稍著名嶺有石碑一座其建設年代不可攷相傳日人於甲辰戰役後在該地掘得金駒一具昇回本國意是遼金遺物郊外西南則有奎星樓朝陽寺崇樓傑閣掩映叢林尙足稱爲名勝惜地居偏僻修禊無人頭道溝日界公園係南滿會社所營建爲游人棲息之所雖夏秋之交紅花競艷碧樹垂陰頗堪托足然建設之年代甚邇絕無古趣可言商埠道署前公園爲前孟秉初省長憲彞創辦而郭侗伯道尹宗熙完成之乙卯夏間始行開放該地原係回教墳塋有古榆數十株蒼然鬱然天矯凌雲爲避暑絕妙之勝地其間疊石爲山疏泉爲池亭臺館榭點綴粗具夏日偶偕友人散步納涼即景賦詩一章以誌該園之勝概詩如下一抹斜陽淺淡中閑隨吟屐過園東森森老木侵衣碧點點飛花拂袖紅近水牛泓環小榭遠山數疊障遙空幽亭雅集宜觴咏踏月歸來興自融

長春妓院中人非遷自津奉即來從邗江可爲南北二派南派妝束時樣舉止輕

盈北派玉立亭亭天然秀曼余癸丑來長尙及見南北班對峙于商埠平康里一帶當時南班有飛雲閣龍雲閣兩處北班有素蘭蓮聲等數家日界頭道溝其始本無妓館日人鑒於域內商業不振亦擴充女閭爲招徠遊客計自東西群仙四玉等班次第開設平康里一帶妓寮遂大受影響門前冷落車馬稀甚至相率休業而頭道溝妓院生涯反比商埠發達推原其故日界妓院茶資較廉客有阿芙蓉癖者儘可一榻橫陳吞雲吐霧烟價又比內地特廉故黑籍中人趨之若鶩且此種妓院專收受掠賣女郎津滬拐匪實爲若輩鷹犬姿首佳者入院時千金立致少次亦可得五六百番小家碧玉墜落女娃一入青樓永淪苦海卽有親屬相知指名向官廳控告而地居租界引渡維艱以此龜鳩更明目張膽肆行虐待噫燈紅酒綠之場紙醉金迷之地孰知有孤苦無告女郎背人偷灑一掬傷心淚耶長春據北緯一百二十五度東經四十五度暑天涼爽冬令酷寒予居長三載以甲寅十一二月間爲最冷是年中國各省皆嚴寒異常固不僅東省一隅爲然也

華氏寒暑表降至零度下十九度間之士著言自東清鐵道開辦以來從未有如此之嚴寒江南一冬下雪不過數次關內一冬下雪不過十餘次寬城則一冬奚止數十次并秋春兩季算之常有百餘次耳乙卯春正元宵節後大雪狂飈九站吉林間線道積雪四尺有餘擁塞車輪機車不能前進斷絕交通三十餘時之久此種情形應亦爲吾國各路所無迨二月間天時猝暖地氣上騰河冰融解兼爲水力鼓盪冰塊悉衝向堤岸路局與城鎮交通之伊通河橋柱爲浮冰衝動橋基低陷致車馬不能通行吉林江岸及九站一帶江冰猝然浮起人民房屋財產之損失不可勝計商民所有木材堆積江岸待運者悉數漂失十不存一九站臨近之一五一一一五二兩處鐵道橋梁數抱之洋灰橋柱悉爲浮冰衝折運輸停止半月有餘修理費約及二萬元損失亦殊不貲沿路電桿冲毀者更不可勝計余曾隨車至九站見沿江灘岸所積之浮冰大者盈丈小或數尺稜稜堆列皎若冰山各極異狀信奇觀也

吉長鐵路計長八十三英里合華里二百四十有奇當日俄戰後日人倡議建設吉林長春鐵道爲擴張國力計當地人士咸思抵制以保存主權因有籌辦之計畫當時係屬商辦主其事者爲前清吉林候補道宋春鰲此光緒三十二年間事也嗣因當事人不諳路務辦理失宜經郵傳部收歸國有其時適中國政府向日本收買新民府至奉天之鐵路屬之京奉日本要求他項利益吾國政府遂允與日合辦吉長鐵路光緒三十三年與日訂立合同開辦費定五百萬元中日各半日本方面資金由南滿鐵道公司餘利項下撥發計日幣二百十五萬元中國資金除商款抵作股分外其政府所出資金大半取京奉路餘利撥給故路局辦事員日人多來自南滿鐵道華人多來自京奉鐵路自光緒三十四年迄宣統三年其間均爲工程時代至民國元年十月全路始行通車惟路綫綦短沿途無繁盛城鎮營業頗不易發達所運之貨全恃農產品如糧食大豆木材煙葉均爲出口貨之大宗除木材外其餘均在隆冬輸運故冬令之運務尤忙通車後第一二年

冬運輸狀況最佳之月收入不過五六萬元或七八萬元第三四年運輸最繁之月收入可得十萬元或十萬元以外矣

全綫車站爲頭道溝長春卡倫飲馬河下九台營城子土們嶺趙家店樺皮廠孤店子九站吉林計共十二處頭道溝站爲長春段之起點與南滿鐵道接軌地居衝要交涉紛繁長春係總局辦事機關所在地極重要惟四面荒野距城遼遠交通不便盜賊橫行當初主路務者不知何故樂居此僻壤貽後人以無窮之危害卡倫爲長春縣屬之一小村落地產黍豆米麥飲馬河係驛馬河之訛音該河流會伊通河而東注松花江水利饒沃故所產五穀及大豆頗爲豐富抑且價廉下九台於鐵路未建設以前地本荒落通車以後商旅漸集且地當吉林德惠長春三縣之孔道交通便利鹽局稅局次第設立近已成爲繁盛市集本地產品亦爲糧豆等類營城子爲吉長線適中之點該處有水塔一所東行機車多在此上水車站與市鎮相距二里而遙物產亦無非黍麥豆粟等類臨近有煤礦二處一爲

裕吉公司煤礦所產盡屬烟煤經礦學家化驗煤質頗佳惟所含油分較少價值比諸南滿撫順煤特廉苟辦理得宜未常不可擴張利權與撫順煤爭雄於長吉及北滿一帶特資金不足開挖悉用人工或作或輟供不應求以是不能發達又有馬家溝煤礦爲東源公司營辦所產盡係無煙煤土門嶺亦吉長間適中地段亦有水塔一所西行機車俱在此上水山嶺崇高坡度居地平線上百分之三機車經由該嶺行駛維艱汽力不足掛軸逾量常至滑下溜退開張沓門生足火力鍋爐又極易受損故吉長路機車修養費謂其半由過嶺所消耗亦無不可嶺旁羣山羅列樹木叢生春則梨杏爭妍燦如雲錦夏則山容嬌潤蒼翠若滴秋則野花吐艷五色繽紛冬則楓葉呈丹疎林蕭瑟設爲遠足旅行此地殊堪尋勝趙家店在土門嶺東居山坡之上規模狹隘運貨極少此站之設不過爲列車過嶺時之呼應於營業上無甚利益也樺皮廠隸屬首縣堪稱重鎮臨近各屯常間日集市於此販買豆糧類日以數百石計每冬由吉長運向南滿出口者不下二萬噸

孤店子係民國三年冬新闢之站地面荒涼臨近有村集數處略有豆糧類輸運然比諸其他大站則不逮遠已九站距松花江僅半里許車中一望可見江東森林遍處皆是所砍伐之木材悉浮江而下匯集於九站江灣故該站之運輸品以木材爲大宗然附近各屯所產糧米大豆運長者亦頗繁盛該處糧食之貿易均會集於烏拉街爲金元以來著名商場站西南有老爺廟者其他有一行宮係清高宗駐蹕之所鐵路未通以前仕宦之經行者多止宿焉吉林站爲東段之終點地距松花江約二里餘爲圖運輸木材便捷之故軌道直達江岸臨江一望水色山光侵人眉宇萬家廬舍鱗次櫛比片帆如駛瞬息百里南人睹此不禁興故鄉之思由站入城必經商埠此埠爲陳劍池中丞於前清宣統年間奏請創辦擬開關馬路建築屋宇招徠商賈爲振興市面計詎知經費不繼有始無終馬路雖開而廬舍尙付缺如至今沿街兩旁磚瓦纍列成堆風吹雨淋恐再閱數稔將悉成土礫矣由吉運長之物產木材煙葉豆糧爲大宗其餘則藥品毛皮蘑菇芋麻類

運往大連營口及關內者亦頗不少

四圍山色中一鞭殘照裏余髻齡讀此兩詞每心焉嚮往謂苟得身踐其境胸襟何等開拓然自束髮讀書以迄年登弱冠擔簦負笈足跡所經不過大江南北蘇省一隅之地湖山雖好恨未能環拱於我四圍後留學日本大阪時曾赴西京一遊覺首句得以身歷矣次句則以乏騎乘故猶未實踐乃初次赴吉林由站驅車入城一路蹄聲得得日色沉沉四向環顧羣巒列繞不禁色然以喜謂廿餘年來素心所嚮往者不意於塞外數千里窮寒僻壤躬歷之溶我神思廣我見聞亦屬幸事相傳鷄塞九龍環拱王氣所鍾宜乎爲清代發祥之地也

吉林名勝首推北山及龍潭山北山在德勝門外距城密邇故春秋佳日游人孔多雖山形平衍無林巒泉石之勝而登高一覽羣峯環列江水襟帶百凡景物悉入眼底頗足令人心曠神怡山上前有武聖廟後有觀音龕每逢舊歷四月廿八日遠近市民前來進香者絡繹不絕因之馬龍車水土女如雲百戲雜陳商貨輳

幅彩色紙花臨風飄颻更爲此熱鬧場生色不少山下有演武廳一所爲清代興國時故蹟孟氏按吉時又將江南岸之公園建物悉數移來山下從此彼都人士每逢佳節登臨不患無觴咏宴息之所矣

龍潭山東距城約五里有奇在江東岸形勢比之北山更覺嵯峨以龍潭稱者緣山中本有池潭相傳清始祖創業之初孤身受敵人追逐倉皇遁匿潭旁忽有羣鴉飛集其上藉其障蔽遂得脫難興國以後因封此潭爲龍潭山亦因茲得名潭側建有牌坊地方官每於旱時在此致祭祈雨潭水澄碧終年不涸其泉脈直通松花江距潭百數十武又有所謂帝王樹者亦係山中故蹟幹似榆今已枯死不辨何種其栽植之年代不可攷據當地人云此樹與有清一代國運有關前清時每歲初夏長官均往致祭并圍以朱欄守護備至乃光緒季年樹忽萎謝有小樹旁生初亦欣欣向榮民國紀元小樹亦萎彼都人士嘖嘖稱奇以爲清祚興衰果與此樹相爲終始也山頂廟宇二處祀觀音及元壇另有軒屋三間爲遊人歇足

地香火夫守之此外未見民居廬舍境域荒涼孤身入山往往有遇劫者四五月間廟中香火繁盛遊人尤多予於此山之勝不取其他而特取其林木之鬱茂乙卯初秋偕同僚數輩入山遊覽但見叢林夾道碧蔭婆娑微風襲人涼生衣袂樹木深密處并不見天日炎夏在此道署允稱佳地即景一絕附錄於下一代興亡付逝波名山終古靄煙螺寒潭澄翠迷芳艸枯木交柯贖蔓蘿日影偷從林際人泉聲飛傍耳邊過松江野渡歸程緊漫聽漁翁倚棹歌

臨江眺望見有一葉小舸搖漾波際底平舷傾兩端銳削係用巨木刳成土俗稱之曰臙艘亦曰威弧威呼蓋一語之轉音也契丹國志載混同江之地其俗刳木爲舟形如梭曰梭船意卽指此雖人工拙劣而形式殊輕便臨流蕩槳行駛如飛然欲載重非方舟覆板不克濟此類船祇堪充漁渡之用冰期間常用以代馬槽又有所謂扒犁者卽冰撬是也似車無輪似榻無足狀類型故土人呼之曰扒犁滿語曰法喇係取整木削成兩轅前半翹起後半貼地上支四柱柱鑲四框一似

箱架倒覆於地加以曲轅而致用底樞之上支以板載輕便之物則繫繩於轅端一人可以牽引而行載重或載人時則駕以牛馬駛行冰雪中非常迅速駕犬者謂之狗扒犁魚皮韃子慣使用之卽昔之所謂使犬部也

魚皮韃子卽黑斤人之別稱自伯力〔俄領土〕東北行一千二百餘里至阿吉大山其間沿松花江兩岸居者皆呼爲黑斤亦曰矩毛子約共五六千人男女皆薙髮女未嫁者頂挽椎髻已嫁則垂雙辮鼻貫金環用布一幅曰勒勒自頸斜拖至膝寬以揜覆兩乳爲度腰以上剪色布或魚皮爲花貼之腰以下取銅片圓徑一二寸者二三十枚〔鑿空如雲紋呼曰空盆〕繫之行時丁冬有聲其言語類滿人衣服亦悉如滿製喜紫色袖束花帶寬二三寸足穿靴以獸皮或魚皮爲之自膝至踝每剪色布或魚皮爲花飾之男子耳亦垂環惟與女環少異其俗無文字削木裂革以記事不知歲閏弦朔問其年歲但以食答抹哈魚〔見後〕幾次對夏捕魚爲糧冬捕貂易貨漁用網用釣捕貂用藏弩貂行繩動弩發立中之射其他

獸類皆然百無一失並善偵獸踪迹之必得冬令以數犬駕舟犬皆肥碩而馴舟形如擡長丈餘寬尺餘高如之雪後加板於下鋪以獸皮以釘固之令可乘人持篙刺地行駛如飛游棲之所取樹皮或草結爲小屋有安口〔樺皮爲之〕槎羅〔草葺圓棚〕胡莫納〔樺皮小圓棚夏令所居〕麻依嘎〔不薙髮黑斤人所居以上皆捕魚之舍〕傲筍〔冬行晚宿之所以樹皮或布爲之〕阿吉嚶莽〔行船晚宿岸邊布棚〕刀倫〔同上〕等名目家居則皆草房有暖坑門沿大江門前置晾魚木架得魚則劈爲四片曝之架骨投狗食不識金銀富者蓄蟒緞錦皮以自封殖族中酋長每喜將先代所遺甲冑長官所給誥命炫異過客以示榮耀子弟遠行歸左執壺右舉杯先勸尊長飲依親屬之遠近次第進酒一巡然後自飲尊長旋吻其兩頰以示親愛居恒親故往來以抱見爲禮見長官則跪拜性好吸菸終日吞烟吐霧卽幼童少女亦無不酷嗜有疾不用醫藥惟跳神祈禳刻木作圭形置坑頭以祀祖先歲久則送入林中更刻木肖鷄鴨貓狗形或人騎馬形置木匣

中藏於室內稱之曰額奇赫亦曰搜溫冬令人山捕貂置於林間宰牲置酒祀之以求福庇又範銀或鉛錫類小人十餘個懸諸胸次遇有禱祝輒祭奠之又刻木爲熊虎形置諸林中遇吉凶事亦必抱置坑頭陳饌品祀之跪禱旣畢仍送置原處子女誕生無論冬夏概沐以凉水最忌痘症一屯偶染合屯皆遷避不違否則徙病者於林中爲胡莫納以居之〔見前〕愈而後歸一鄉一族各有長爭訟往訴輒爲招集証人評論其是非曲直爲之判斷輸者令納物自贖名曰納威勒讞定後訟者及證人皆無異辭然後鄉族長以杖叩地者三令毋翻議始各退歸否則再集人證另議亦有一訟牽纏數月者其法殺人者死餘視罪情之輕重議罰自混同江下游達海岸其間土著之黑斤人有薙髮與不薙髮之別薙髮者居住於伯力迄阿吉大山沿江一帶其習慣性情風俗旣如上所述此種人在前清定例每歲其酋長必須至三姓副都統署獻納貂皮自割隸俄國後俄人施以政教改其服裝已浸與俄人同化幾并其祖先而忘之矣不薙髮之黑斤種人自阿吉

大山沿混同江東北行至黑勒爾地方兩岸居者共約二三千人風俗與雍髮黑斤同惟語言各異通稱曰長毛子男垂辮染濟勒彌人風氣多喜弄熊向亦貢貂於三姓又自黑勒爾以下直至混同江入海口共約六百餘里舊爲費雅喀人所居今則合鄂倫春奇勒爾二族統稱爲濟勒彌人女未嫁者椎髻垂背嫁則合梳雙辮橫束腦後言語與不雍髮之黑斤人亦不同而鄂倫春奇勒爾二族又各自操本部語言與純粹土著之費雅喀人有別亦無醫藥文字不知歲時弦朔至於錢貨廬舍則江東諸族固一致也夏乘賊艦至口外各島及江沱海汊漁釣冬則駕扒犁至索倫河南與諸種人爲貨物交換家畜多犬旣老宰之食其肉而衣其皮寒暑一裘終年不易

黑龍江之東外興安嶺之南恒滾河之西北其間土著之民爲奇雅喀喇及鄂崙春兩種人善馭四不像逐獸逾嶺捷如猿猴四不像蹄似牛首似馬身如驢角如鹿蓋家畜與野獸交合所產特種之動物其性馴良而善走不芻不豢惟食石苔

(寒帶地方植物所在多有)騎乘時繫之前來用畢則放牧於山野惟此兩種人之循良者多半爲俄人收入馬隊頑梗者被俄遣戍於小亞細亞毗連之回部混同江海口一帶濟勒彌人親死則削木爲像略具口眼衣以熊皮食時必取少許納像口妻喪其夫亦然像側常繫一犬胸次懸刻木小人二有事輒行祈禱或刻熊蛇山魘形懸之有大祈禱則延薩瑪教徒爲跳神之舉薩瑪教者爲東夷之一種宗教在昔滿洲人亦迷信之凡人患病輒延男巫或女巫至家左手執鼓以鐵絲貫錢數十枚橫繫鼓之兩耳脅肩蹈足而行援桴鼓之使錢不相併而取其錚鏗有聲腰裙曳地裙帶繫銅鈴鐵鐺等物行時亦丁東作響先喃喃作咒旋作狐鼠鬼魅言能行幻術以利刃刺病人患處截時似已分裂兩段刃抽出仍復其舊故俗人信之甚卽今吉省臨江等處亦有此陋俗至於松黑烏三江下游南及朝鮮咸鏡諸道亦均染此教迷信異常至黑斤地方則先以數人作薩瑪狀繞室週行一巫由坑躍下兩足左右跳蕩作諸詭態吞火飲酒任意索取各種穢物入

口以刃自擬其腹令壯夫數人推之皆觸退仰跌取皮帶長數丈者置壁隙使壯夫數輩堅持其一端而牆外一端自能蜿蜒外引視之固虛無一人也其恢詭迷妄多類此凡此濟勒彌人垢穢尤甚門前皆置晾魚木架夏日過之腥臭刺鼻清初常與苦夷〔即庫頁島人種〕至阿古大山上游莫爾紇對岸桑烏林木城中歲受服物之賞由三姓副都統署派旗員接待之該族名曰穿官亦歲時貢獻貂皮等於清廷云

俄領伯力以東因拔納斯科迤南同爲奇雅喀喇地方又有一種人華人稱之曰二腰子者其言語與黑斤濟勒彌人又異蓋東夷之別種也人數約四五千削木記事男女俱蓄髮由耳後垂兩瓣及肩下用紅絲束成椎髻垂及乳際其下又以彩纒貫五色珠陸離繽紛以爲美觀頸後復用綵線橫繫雙瓣有喪則解去之人死掩棺於土婚姻由家長主之其禮俗頗有華風性更好潔婦女月必有數日背人獨居其夫亦不與相近勤澣沐嗜菸酒多王姓牛姓自言係宋將牛皋王貴之人

後避亂居此蕃衍成族云

二腰子之一族迷信薩瑪教一如黑斤而巫術更神能爲吞刀吐火之術吐蛇蛙於地旋嚙嚼無餘諸如此類詭狀甚多此種人善鎗擊騎射能與猛獸角鬥獨殲熊虎濟勒彌黑斤等種人俱畏其勇冬令出行乘類似扒犁之踏板擡車逐獸如飛喜與華人交接互市性亦相近蓋烏蘇里江右各夷此爲半開化之民族矣是土割畀於俄數十年獨此種人無與同化者俄人亦畏憚之不令編伍易服也黑斤費雅喀濟勒彌人在今日吉林省東北邊自依蘭以東如樺富臨綏等屬皆有其蹤跡但血統多已混合沿河漁捕者輒稱爲魚皮韃子其倚山林居處之獵戶則稱之爲打牲人或稱爲打牲索命第視職業以區別之而已

吉林自改爲行省後務旗處曾籌畫安插黑斤人之方法計口授田十年內蠲其租稅俾自行耕種爲生聚長養之圖據旗務處調查在富錦縣之黑斤人當清初原有四百餘戶三百年來仍不加多以所生子女多半死於痘疫故也他處之黑

斤人數可以此類推據五年前之調查樺富臨綏四屬黑斤人總數共七千餘人云

吉省土著除八旗外以山東人爲最多百年來清廷禁令漸弛傭工或挖參者先後紛集日增月盛凡執勞動業者幾無處無山東人來時肩負行囊手持一杖過嶺藉以扶持遇敵用資捍衛俗稱之曰山東棒子尤奇者魚皮韃子以不通言語不諳交易之故每家必用一山東棒子爲主家務稱爲管家人家產皆令掌之吉省東部山深林密燕齊流民於農礦兩業之外兼營采葎棒樵營定確木營菜營種種事業此輩俗呼跑腿子亦曰穿山溝曩年踪跡遠者直達東海之濱近俄人嚴禁採獵地點已不能踰國境一步生計因之日艱采葎棒樵營情況具見後文定確者設木爲確以捕獸亦曰定確房木營者冬令入山伐木春水驟至時隨溯水下山編筏於江口乘之以出售菜營者係在柞木叢中伐樹倒地經年徧生木耳撥拾而售之至於採掇山中之藥草則屬若輩之副產品凡轉徙山林者隨

處因樹爲屋夜或野處熬火自衛其膏虎狼口吻墜巖谷喪命者往往而有在各山溝口則已有築房舍兼務農業者每溝咸推一頭目爲主稱之曰溝大爺數溝又公推一人曰總爺有事則召集各溝頭目會議公決徵集時用木牌傳遞其上並不刻字各溝見牌立至

吉省物產繁夥寶藏豐富山水清幽地力雄厚既如上所述矣當地人於土產中尤視爲寶貴者爲人葎貂鼠烏拉草三種諺云吉林有三寶人葎貂皮烏拉草茲就三種產品略述其大概如左

葎性熱而補氣老年人服之尤宜最貴重者曰老山葎係採自山野年代愈久者形質愈大凡重逾二兩者非數百金莫致卽分兩少輕者其價亦特昂年老體羸服之精神陡健垂死之人服之亦可略延生命相傳蓋棺後數十年敢視膚革充盈一如生人但未知信否老山葎外爲移山葎及種葎功效亦具特遠不如老山矣葎一苗高數寸苗頭平分數莖每莖五葉形如掌六莖爲最多其根株亦最佳

間有一二莖挖出至美之根者是必原根〔俗名蘆頭〕以受傷多年側生一苗者也土俗名採蔴爲放山又曰挖棒椎緣前清時禁採道咸間禁例綦嚴往採者須由官中票房領取專票名挑官蔴至今猶有某票房之說嗣後弛禁改征蔴稅始任人採挖放山者分三期四五月爲放芽草因百草甫生蔴芽萌茁即從事尋覓也六七月爲放黑草其時叢草一碧最難認辨八九月爲放紅頭因蔴苗頂心已結淺紅色子較易認識及蔴子落後曰放刷帚頭畢事下山曰轆棍當進山時有把頭者率領數人至山上翹首瞻矚惟見林木遍山四望一碧晨視某山樹頭獨蒼潤出羣者相偕前去至則又驗其草木枝葉堅茂者即呼曰有蓋此山非具有此種土性不克產蔴其占候察驗純恃心得也因在其地砍伐樹皮構造小舍稱曰窩棚把頭令其夥排列成行人各相距丈許執棍曰索羅木棍者撥撥身左右草叢逐步審視瞥見蔴苗即大聲高呼衆人嚮至詳細搜尋再查有他苗與否挖蔴時量蔴草之大小四週輒刈草成圍然後向下挖掘一面起土一面用骨簪撥

辨草莖恐妨蔴之根鬚也挖出之蔴雜以青苔裹以松皮俗曰棒椎甬子背負下山以製售亦有下山後移植蔴營者名曰移山蔴堅壯者亦爲佳品

蔴營俗名棒椎營種蔴區也種蔴在清道咸以前亦干禁例徵稅後可公然從事矣種植時先於森林中擇一土性相宜處挖一畦長約三丈寬五尺土質攪使鬆細預將蔴籽窖地一年名曰發籽次年將籽播撒畦中覆以土灰出苗後三四年至秋九十月間又移植他畦鋤畦成隴排例插蔴更取高約七尺半之板棚蔽之亦間有用布者每年春秋二季揭板向陽三五次並當連綿細雨時俾沾澤一二次一切皆有程期過度則倒爛又三四年白露節後方起蔴製造名爲做貨做時先將鮮蔴用沸水煮之半熟再以小毛刷刷去其浮皮並用白線扣成小弓弦將蔴紋中塵土剔淨而後用冰糖熬成清汁將蔴浸灌一二日上鍋蒸熟再上火盤拷乾乃以出售亦有不煮水不灌糖而生刷生蒸者名曰麗蔴即假高麗參之粗製者是也種蔴之中洋蔴高麗蔴之辨別甚微大抵視根有多節叢莖之上有細

粒如珠及質堅紋細者以爲取舍而已每年輸運出口爲吉林天產之大宗據營口一處稅關報告重量歲約三十萬斤價額在三十四五萬圓左右至由京奉路運往京津一帶者尙不在內

貂皮爲吉省特產毛根色青者曰青鞞三姓以東毛根略帶紫色者曰紫鞞高麗奉天等處所產毛根灰白者爲草鞞其中以紫鞞爲最上品緣氣候愈寒則毛色愈純厚故三姓以東之皮張最良捕貂者用釘確法於森林中築一確房四方釘確四股每股長周三十里釘確約三百盤四股之確共千餘盤二人守確房各日一巡視其確式就倒木或伐巨木爲之左右釘五寸高之木椿兩排每排八株中以兩株爲門椿下置活木滾棒確槽闊五寸許後釘一小椿曰老椿取材木縱橫構成機械架於其上貂鼠經過滾棒下沉消息木脫出則木槓下落因而壓斃矣寒露節爲支確期謂之推橋頁霜降後捕貂最多之時謂之打響草以貂好捕灰鼠其時落葉滿地貂踏草有聲恐灰鼠驚遁即躍上倒木而行也貂在森林追捕

灰鼠往往游行各山無定居嚮草時亦爲過貂期因林中松子已結實灰鼠奔走覓食松子貂則隨之視松子之有無以占豐歉捕貂而兼捕灰鼠焉至大雪節則將老確盡行收拾因雪地無聲貂不登確且冰凍確亦凝滯不靈故也大雪節後乃另組攆貂法其時森林中幾於每夜降雪貂晝眠夜出挨搜樹竅以捕灰鼠天明卽伏樹竅內捕者於清晨負二兜均插板斧外帶火具硫磺風扇等物於雪中踏驗夜間貂踪必驗明有人跡而無出跡者先以樹枝杜塞竅口防其出竄再用爛木屑爲火具取硫磺線燃之俾生濃煙更用風扇揚煙入竅燻之俟燻透取土和雪塗掩竅口貂遂悶斃竅中因砍木而取出之第近來業此者多用網兜并畜養獵犬嗅取定巢較前益加便捷矣

烏拉草一名六髮靴革草色深碧其細如髮長者四尺餘吉省各地皆產谿谷岩石中蒙茸下垂者皆是也入冬不枯性溫暖能禦寒避濕東人常取鋪臥榻農工人等均用以薦履履用方尺牛皮曲成之不加緣綴覆及足背冬夏胥着以操作

因用此草薦履故即以烏拉名履俗書作鞞鞞不知者以爲即牛皮鞋也
吉林東南長白山系之谿谷中所產哈蟆滿語曰哈什蟆其形與他處所產者迥
異徧體光亮尻無竅穴并不辨其雌雄土人云雄者值山中新雨後腹生涎沫雌
雄常黏合雖力劈之不解即其交尾時也特不知其孵卵情形飲而不食無排洩
器故寒霜既降輒膨脹以死剖之腹中滿貯黑粒如鷄冠花籽黑粒中包裹之脂
肪小塊肥潔瑩白烹而食之〔烹食之法一如銀耳先浸後烹〕味極腴美其性滋
陰可當補劑今販售南中各省多用爲食品有謂此物飲葎水而生故哈什蟆所
在地點必產葎云

東珠亦爲吉省天產江河巨流中蚌蛤多懷之尤以牡丹江上游爲最盛甯安府
城南并有珍珠河之稱色紺碧少渾圓中間常現凹紋然佳者則光彩晶瑩遠勝
南省所產蛤插立沙內如排牆然採者挨次拾取以熱水略炙其壳去肉取珠肉
不可食但得珠耳然珠或有或無未必每蛤中皆有也且小珠居多大而光圓者

什中難得一二前清時烏拉總管旂署設有珠櫃採取者有專役名曰珠軒十人
或八人爲一排腰繫繩索每當仲秋入河搗摸以備貢品此外無專採者間有屯
農於春夏間採之而得珠與否旣不可必且所遺蛤肉必須隨時埋燬若爲珠櫃
旗人所見則指爲私採恫嚇訛索不堪其擾故多視爲畏途現在省城市肆所售
之珠多來自松花江上游一帶

混同江下游東北海口有大魚長一二丈大數圍首有孔孔中噴水高一二丈旬
然有聲聞數里之外黑斤濟勒彌人通呼爲麻特哈謂此魚奉海神命送魚入江
以裕民食者此間土人皆不知歲月特以江蛾爲捕魚徵候每於江面花蛾變白
時〔五月〕麻特哈送烏互路魚入江及青蛾初起〔六月至七月望前〕送西里性
魚入江至江面小青蛾再飛起時〔八月〕送答抹哈魚入江皆至特林河口而返
其馭魚進口也每三四爲羣各去里許逆流而上掀波撥浪勢甚洶湧烏互路等
魚則率羣前行若不敢少止者日行可三四百里俄人於廟爾地方初見烏互路

等魚輒電報伯力三日後魚均至伯力下游四百里之南星地方再半日伯力已
可得魚無或喪失者此三種魚到時濟勒彌及黑斤人等每於江邊水深數尺處
釘置木椿橫截江流椿長二三丈或四五丈亦有作方罫形者獨虛沿江一面名
曰悶槓於水平線下繫以袋網須日乘小舟取之每一悶槓可得魚數千斤又或
以圍網或以撒網一舉可得數百斤數十斤於是載回小舟舉家各持小刀臨流
割之魚分四片穿以柳條支架晾之作禦冬之旨蓄至麻特哈巨魚其初濟勒彌
等人以爲海神使者不敢捕取近見俄人設法競取土人亦從而效之每遇江中
風浪大作輒揚帆持叉俟其出水時以叉遙擲之又尾繫長繩俟魚力既憊乃牽
至江岸或售或食仍不敢携入室中恐其爲祟也若乘威呼持叉取魚則以剃髮
黑斤爲最爛當波浪平靜時認取江面魚行水紋拋叉取之百無一失其威呼不
用木而用樺皮長丈餘寬約二尺首尾胥窄纜容一人行駛水面其捷如風江中
魚類如魴鱧鯉鯪土人多生食之

答抹哈魚產於江中長於海復回江河而死其壽命祇一年每當暮春江河冰解
小魚即乘流冰入海得鹹淡混合之水生甚速立秋後輒不食逆流而上母魚
追嚙雄魚之尾俗稱咬巡雄魚被咬有白沫下流雌魚吸食而孕卵孵散晝夜追
接惟值江中灘石則泳游不去俗稱巡場漁者於此恒多獲焉魚孵卵至盡輒陷
身上穴中自死卵紅色大如碗豆小魚生後明年冰解遂又入海今臨江縣之黑
斤人專以斯魚爲衣食魚肉果腹魚皮製衣故又名魚皮韃子此種人不知歲月
以來魚一度爲一歲焉俄人近於混同江下游架棋網數重捕魚醃作軍用食品
西至我境臨江一帶臨流魚網重重故近今距海較遠之河流中是魚已將絕跡
矣

松花江產魚極富三姓上下沿江一帶其民多操漁業魚類中以鱒鯉爲最大其
他若鯉鱒魴鯪多有之牡丹江等處亦產魚但小魚居多僅供自食而莫盛於興
凱湖與烏蘇里江常桃水汎漲時湖魚爭吸新水游泳於江中順流而下又貫入

旁近之穆稜力等河逆流而上一經立秋卽折回沿岸漁戶橫河樹木柵以堵截之謂之擋亮子凡擋亮子者例須領票納稅其魚不可勝計往往盈河皆是至碍舟楫通行漁戶不甚愛惜之有用以飼犬豕者而烏蘇里江之東俄人則壟斷其利常秋潮落後專打答抹哈魚鹹晒而曝乾之卽平時所得小魚亦不棄擲以製罐食

松花江所產魚類中味最鮮美者厥惟白魚筵席中視爲珍品每至冬令運銷至關內京津一帶者不可勝計故近來售價頗昂味之鮮腴無殊松江鱸魚長江鱖魚也

東省氣候酷寒冬令江冰堅結無法捕魚故寒冬所售之魚均是深秋或初冬江冰纔合時鑿取俟至春初江底冰融於江面鑿一冰孔以長竿攪之魚潛其下偶見天光并聞水聲以爲春漲初至羣游來集徒手取之良便所捕此種活魚味尤鮮美遠勝尋常

吉省各山多產熊熊力大性悍其黑色者俗呼黑瞎子因其目眶甚小也胸腹有白毛者性尤猛見人常追逐不捨膽能療目疾掌可供膳品甘美異常入冬無所得食常蟄伏樹孔中民覓得其蟄巢因攻殺之常熊分馬駝狗駝兩種馬駝重千觔高四尺餘怒時恆與虎豹角鬥獵者畏之狗駝高二尺餘重止五六百觔此兩種熊俱喙長眼小睫毛極厚視察時頻以掌擦掠力能拔樹亦能升樹每端坐樹杈好折樹枝有時顛越墜地卽轟稱怪號酷類人笑聲山中大雪後卽不食營穴自藏俗謂之數倉在樹窟者曰天倉在岩洞者曰地倉蟄居無事日惟舐掌自遣牝熊生犢必兩輒一日數移其穴意恐獵者偵而窘之也最足令人發噱者每攜其子過河時不論河之深淺不使子熊先涉必覓一巨石壓其一子而携其一子過河迨抵彼岸又覓石壓其一子再返而取其他覓石務取其重大者往往至於壓斃揭石見子屍復趨彼岸視其他子見壓斃如前母熊輒大號奔去狼之黠者每伺以果腹焉肘甚直難於挾物獵者每從守望樓中發槍射之無論命中與否

必奔來將樓推倒始逸如在山中槍擊須迎面擊之切不可在其背後發槍緣熊聞槍聲輒掉首反奔如由後射擊適當其奔逸之道遇之無有不受害者性甚悍即槍彈貫胸猶能拾草泥自塞創傷狂奔數里而倒斃焉

荒僻山林所在多虎當地人諱言之直稱之曰山神晝伏夜動獵者每於冬間伺雪中足迹以掩捕之緣虎前行必尋原道歸獵者輒於途間張機伏弩用銅綫橫繫之虎觸之彈立發恰中其前胸既負傷輒奔越而去斃於數里以外乃按其血跡追尋而獲取之其骨釀酒可以壯陽益力製膏可以貼傷消毒每歲輸出量頗不少

鹿之產地多在帽兒山慶嶺紅石孛子橫道河子王起屯蒙江縣樺甸縣寧古塔等處質言之多在長白山系一帶種類大別可分爲四曰梅花鹿者四肢細長毛茶褐色體具斑點在鹿類中爲最貴罕見而極難得曰麀亦曰駝鹿者〔滿語曰堪達罕〕俗又稱四不像身似馬蹄似牛尾似驢頸背似駱駝故以駝鹿稱色灰

而毛長曰馬鹿者狀似馬色青毛短曰麀者似鹿而大色青黑鹿之爲物具有天然靈警性牡有茸角而牝有胎牡鹿之角年增一又年齡愈大又角愈多既老則否角之初生若芽有皮覆之狀如蕈蓋者曰茸臥時必團聚一處互保其胎角春夏間〔陰歷四五月〕出游牡先牝後秋冬〔九十月〕則牡後牝先以獵人春夏取茸秋冬取胎之故預爲防衛計耳獵人持鎗瞄準之際必以前行之鹿爲目的迨彈出作響鹿聞聲狂奔前者逸而後者殞假使牡鹿中彈時彼必竭其瀕死之力將茸角觸折不令獵人獲完美慾望故欲獲生鹿與全茸必設穿以陷之當先期審察鹿羣日常必經之路掘巨穴鋪以葦席或架以樹枝再敷以草或土俾與原來草土之色相同以祛其疑既獲而畜之飲以清水飼以豆料或新鮮菜葉取茸時大都先斷其咽喉然後取茸亦有先斷其茸角者惟斷時稍不經意彼亦必竭全力以觸折之若胎則不論其生死連胞衣取下可也胎之收存無須炮製但晾乾而與他藥配合可矣治不生育者功效甚靈惟藥商往往以麀胎冒充〔麀狀似

狼無角鬣屬也」然亦有判別蓋鹿胎有齒其他獸類無論何種均產後方生齒也

野東人呼爲躑足高毛粗形如初生之駒從前無有獵取者嗣高麗人來此就叢莽間隙地架一長繩中繫繩圈躑穿隙過則頸乃套人焉近今山民效高麗人所爲多有弋獲然躑躑之價值遠不逮山西五臺及滇蜀等處所產其躑形如圓椎割下大僅如桃每年出口之數頗不少

甯古塔等處產鷹鵬前清於其地曾設鷹把勢多名捕鷹以進爲行獵之用其鷹品之最貴者曰海東清純白爲上尾毛可用爲扇高三尺餘喙如鐵鉤昔宋徽宗善畫白鷹爲當世所珍視關內無白鷹乃樂畫此其後卒置身五國城中一畫之微竟應識兆信氣機所感運會攸關耶

乙卯冬月沈朗齋君（津浦鐵路廠務副總管）奉部令來長調查吉長路機務參觀工廠半日對於新工廠之構造布置頗蒙其稱許翌晨偕總工程師日人曲

尾辰二即營業副科長馮鶴林陪同前往吉林參觀車房繼入城登北山一遊憑高俯視江山環抱積雪皓皓四望一白朔風刺面寒可裂膚翌日由吉林車務段長余君仕斌導往江岸參觀裕順麵粉公司該公司係華商合資創辦規模宏大一切機器設備甚周悉購自俄國有一俄技師主其事據稱每日所產麵粉約有一百噸之譜此爲吉林省城最大之工廠繼往附近燐寸株式會社參觀該公司係日人資金創造開辦約及三年惟資本短絀規模未宏出貨供不敷求工人以婦孺爲多約二三百名計工投資每人每日不過小洋二三角作工自晨四時迄晚六時其間絕無休息而奮勉從事毫無怨懟金錢之魔力如此然於衛生之道大相背矣吾國政府對於國內工廠毫無規則取締而愚氓猶感戴外人不置可勝太息所用材料爲柳木櫟木二種廠內製寸木機五六具製匣機二三具鋸木機數具一分鐘間可劈出寸木數萬枚匣皮數千方至爲神速廢棄木材卽用爲鍋爐之燃料無絲毫物品遺棄日人之綜理微密珠堪驚嘆據該經理日人佐藤

言因吉林木材廉賤故日本各燐寸會社及京津一帶之火柴公司來函定製寸木者甚多有應接不暇之概此項爲其附屬事業明年更將增添資本從事擴張云云若然則華商何妨依樣經營乃讓外人壟斷其利乎離該廠後又往林業公司一遊該公司以販木爲業而以鋸木爲其附屬事業院內堆積木材不少然鋸木機數具虛設不用塗澤彩色但以壯觀廠內閱其無人聞該公司爲永衡官錢局所經營內容腐敗毫無振作氣象以視燐寸公司瞠乎後矣

乙卯新歷年關路局例放年假三天因新正二日恰值星期故特放四天於三十日即停止辦公客居無聊因偕曹君學韓同作安奉線之旅行三十日晚十點四十五分鐘由頭道溝乘南滿車向奉天進行翌晨三十一日九點五十分抵奉站十點四十分改乘安奉車赴本溪湖十一點二十六分抵站沈石菴王劍清孫子鐵三君均已在站相送隨偕赴子鐵廬所略坐片刻繼往石菴廬處午餐飯後由沈孫二君導往煤鐵公司廠內參觀一切該廠大概分煤鐵二部煤洞距廠數

十武鐵鑛在廟兒溝先由汽車將鑛石運送入廠熔鐵之所有熔鐵爐一具熱風爐三具先由送風電機通風於熱風爐將冷風化爲熱氣然後再通入熔鐵爐內將鑛石熔化熔化之際鑛石與焦煤相間投入爐中熔化之鐵分注於爐外沙中穴道因凝結而成鐵條其掘煤之法因未入礦洞視察無從深悉惟見掘出之煤由洞口線道上運送至洗煤廠先將煤屑及小塊煤分部篩出然後任大塊煤從樓板穴口落下裝運出外發售該公司設備粗具建築一切頗從簡便故經費甚屬節省然聞資本金一項自日俄戰後開辦迄今已達七百萬元辦事人計二千有餘日人比華人約多一倍事權強半操諸日人之手任技術者亦盡屬日人該公司煤之消場頗爲窒滯緣北格於撫順南扼於開灤絕無利益可圖所恃者全在生鐵生鐵幾全消於日本消行於本國者極微緣其性質堅強燐質極低宜鑄兵器及鍊鋼而不甚宜於尋常之製鐵業也晚乘十一點三十六分車逕赴安東車中有寢臺安眠頗適元旦晨六點三十分抵安站曉色微茫雪花飄舞細雨浙

瀝霧氣迷濛有似南中氣候大非寬城可比矣下車有旅店侍者迎候蓋學韓過本溪湖未下車前晚已抵安東飭其前來迎接也遂至鳴江春旅館入室稍憩晨餐後適學韓姪繼述前來（安東中國銀行行員）因相偕渡鴨綠江往訪新義州領事同鄉許文伯先生安奉鐵道橋梁兩側設有走道人力車可以通行故無須在冰上過渡橋長六千數百尺鐵桁橫斜連亘不斷工程之巨實爲罕觀橋上日兵十數名往來巡邏不息日本耗去億萬資財竭力經營此一路豈僅爲國防抑亦爲移民計耳新義州雖爲朝鮮國土然入其境居屋街市盡屬日風絕未見有韓式之宇舍所有韓民多屬下流社會蓬首垢服令人望而生厭卽此亦足徵其亡國之一因迨抵領事署晤許君道賀新年歡然叙舊款接殷勤憶余髫齡受先大父訓讀時許君與二叔時相過從談文遊讌數接光儀不謂白駒如駛忽忽又已二十餘年矣詢及新義州安東一帶情形據云吾國人在彼營業者除木業外爲燒鍋（釀酒）及米業二項經營木業資本浩大非合資公司不辦故個人業此

者甚少燒鍋則資本較輕韓人嗜酒者極多該處米價又廉賤故獲利頗厚新義州及安東一帶農民類係韓人爲日本苛政所困由國內徙來者胼手胝足耕耘所收入之粒米以售之日人及華人而若輩則轉購吾國雜糧以果腹生活雖云艱苦然比諸在本國之顛沛流離已有霄壤之判聆悉之餘深致慨於亡國遺民之慘狀旋蒙許公留餐膳畢少坐片時卽興辭回寓來時霧氣未斂不覩遠景比歸則江水澄碧皺疊回摺將解未解山巒蒼紫四面環拱風景之佳不殊煙台青島等處回寓天色尙早擬往元寶山公園一遊苦於泥塗滑足而止卽左近繁盛市街亦多未往翌晨爲新正二日將乘十點四十分車赴奉到站未踰時許公又來送別涉江遠送情殊可感與許曹二君握別後車隨出發沿途山嶺起伏或峭如壁立或臥若伏獅或平若圓邱或列如筆插嶽崎嶇峭各極奇觀惜時在隆冬僅餘積雪與砂石相輝映而無蒼林碧草點綴其間殊少生趣耳歷站彌望悉倭式廬舍日本移民有一日千里之勢再閱數年恐沿途華式屋宇亦將寥寥無幾

有過於摩天嶺一帶者壁立千仞突兀嶮峭俯臨車頂巖石偶有傾跌列車將成齟齬視之令人膽寒沿途隧道計二十餘處工程耗費不知凡幾苟非爲軍事及移民計日本詎肯擲巨億金錢於異國域內今則南滿及安奉兩綫包圍之境幾視爲屬土爲地主者其將何以爲情耶晚六點三十五分抵奉天隨改乘九時所發之南滿車於翌晨三日抵長春

森林滿語曰窩集吉林全省計有四十八窩集大者亘千餘里小者亦百數十里參天蔽日人迹罕到分長白山小白山兩系其長白山系在松花江上流頭道江二道江之地老林綿亘約千餘里在前清時嚴禁採伐頭道江以下則採伐者沿松花江而下運售良便故經營者日盛一日其小白山系在拉林河上游四合川附近南抵張廣才老爺二嶺東迄三姓甯古塔西至賓州五常東北界俄領黑龍江州以交通不便華人採伐者甚少而俄人則以伐供東清鐵道用木爲名於光緒二十三年復組成伐木公司得擅其利其所產如樺松杉松黃松紫松白松香

柏松榆木楸木椴木等皆碩大堅緻之材其他雜木尤不可勝數吉省東北兩邊距江河或火車道較遠之處古所謂窩集之地尙延亘不斷枝柯糾結障翳天日下則水潦縱橫草葉腐積盛夏草木繁茂交通爲之阻塞林中產生一種馬蟻千萬成羣大者如螻蛄小者如蜜蜂喙長四五分形同鳥喙尖銳如利錐追逐騾馬螫吮其血毛色爲紅故騾馬行經此地頭搖耳動蹄蹴尾拂終日不休蓋畏其荼毒也而蚊蟲之多更非他處可比騾馬被螫至憊不能興因而倒斃者比比皆是故人經其地必携障面之具以自衛僅露兩目視物

吉省夙以礦產豐富著稱就金礦而論在松花江牡丹江綏芬河流域俱有苗線發現然着手淘採者殊鮮自前歲將都魯河金廠劃歸黑龍江省後現惟密山之興隆溝東甯之萬鹿溝等五處呈報開採若樺甸之夾皮溝盛況已迥不如前採金之法東省大略相同曰上大溜者十數人爲一班就谿築壩別開水溝引之下注用寬二尺長丈八尺之直木槽內鋪細氈覆以鐵眼溜板四板長四尺五寸直

槽下又加橫槽長五尺寬二尺亦覆以溜板取砂之法或由礦丁或用車馬始在上溜溜頭加鎖砂去而金留每晚清砂一次曰上小溜者由礦丁數人用兩節小木槽內鋪細氈以柳條作簾覆於其上抬砂置槽用人力上溜越二十抬清溜一次每日如此者凡六七次亦可得金曰搖簸子者三五爲羣按碓取砂近設水坑用小木簸如腰圓形者下水淘足亦可得金但所獲甚微冬令工作尤艱須燒石融冰方可引水用力勤而所得更少矣

夾皮溝金礦距省四百八十五里距縣治二百十五里溝長不及三里寬不及二十丈前清光緒二十年間盛產金砂礦丁至四五萬人此一隅之地當時有劇場兩處晨夕演藝民間交易輒以金砂爲通貨購一果品動出金錢許故四方商販聞風來集迤北有老營廠溝板廟子嶺亦產金然不及斯溝之盛在前清同光間有韓邊外者籍隸山東富於才略招集燕齊流民於夾皮溝淘采金礦嚴約束遠斥埃生聚日繁儼於窮荒廣漠間別開一新世界吳大澂勘界蒞東亟賞其才爲

更名曰効忠其勢力範圍所及自大鷹溝起直至古洞河大沙河井及松花江西之荒溝那爾轟等處袤長約八百餘里其間山嶺環疊森林綿密非得向導幾不辨南北自練團勇皆驍健善戰甲午中日之役曾以其徒五百與日軍戰於海城庚子俄人入犯竟挫之於馬烟山不敢進窺韓之管內編戶千八百餘男婦萬人凡分一百五十牌守望謹嚴閭閻安堵向有路不拾遺之諺當樺甸磐石等縣未設治時居民訴疾苦安耕鑿靡不惟韓氏是賴故中日間島交涉日人指此爲世界祕密國今則韓氏之孫名登舉者猶能世其業坐擁良田數百方里歲入二十餘萬金養團勇數百人現尙充將軍府軍事顧問但現時該礦線苗久已不旺砂殘溝老迥不如前矣

興隆溝金礦其地原名黃泥河子距省一千三百里屬密山縣距治二百餘里前清光緒年間由勸業道派羅委員斗才開辦勘得礦苗甚佳每采得大塊砂金惟羅氏當時祇按工人之數每名收取厘金其所得分量之多寡並不過問礦工來

集者多則抽收之數亦富大抵每工人一名月納金五六分外加二成獻諸委員羅氏辦此礦時因護兵單弱不能約束把頭往往隱匿人數以多報少雖辦理未善經費尙屬充裕民國二年籌邊使蒞東收歸使署接辦濫用人員經費不支迨所委之人車馬奔馳道途僕僕咸覺困苦難堪及抵礦地見茅檐土宇曠野荒山咸無居留之志於是乘輿而來興盡而返矣未幾改歸吉林行政公署接辦正在籌畫間又據實業經濟團呈准工商部接辦其間輾轉交接耗費曠時至今有入不敷出之勢現聞該礦已歸商辦然亦未見發達

三姓金礦距省一千一百餘里隸依蘭縣距治二百八十餘里前清光緒二十一年由宋春熬以商人名義開辦二十六年遭亂停止二十七年由商辦改爲官辦經歷任派員董理連年虧賠至三十三年後始稍有起色現今歸財政部接辦部撥經費八萬元充資本產金區域綿亘數百里各屬發見之金礦計三十餘處全年產金額約有三四千兩之譜現在吉省金礦之成效昭著及最有希望者當首

推斯礦惟成色較遜他處又因官辦之故糜費過巨官中淨利收入恐無多也此外如寧安縣屬之五虎林金礦穆稜縣屬之凉水泉金礦各距省九百餘里東寧縣屬之萬鹿溝金礦距省一千一百餘里此三處均於前清宣統元年委員官辦產金微薄入不敷出民國元二年間先後裁撤嗣因實業經濟團接辦興隆溝金礦將五虎林凉水泉一并接辦現尙在籌畫進行未見有何效果汪清縣屬之砂金溝百草溝距省一千零五十里延吉縣屬之二三道溝距省八百五十里此三處金礦均於宣統二年間任礦丁自由淘采由地方官派員徵稅每人每月收金五分惟苗綫淡薄不堪大作

樺川縣屬之大沿溝金礦距省一千四百五十里寧安縣屬之淺水溝金礦距省一千里延吉縣屬之鵝鴿磴子綫金礦距省八百里密山縣屬之南天門金礦距省一千三百里穆稜縣屬之楸皮溝金礦距省九百里樺甸縣屬之栗子溝金礦距省四百里綏遠縣屬之蒙得牙薩金礦距省二千二百里以上諸礦均於宣統

年間及民國初元由商人等呈請領照勘辦或因礦苗未佳旋作旋輟或以集資不足延未舉辦卽其從事開采者亦全恃人工逐什一之利局面極小無發展之餘地

銀鑛之最著名者爲延吉縣屬之天寶山距省七百五十里距縣治一百里前清光緒十七年有候選通判程光第者集股用上法開採頗著成效旋因鑛洞水深歷年虧累始與上海公利公司美商薩達理訂立合辦草約繼因美商延未來吉登報作廢復與安東中和公司日商中野訂約合辦光緒三十三年經前邊務陳督辦將該鑛強制封禁宣統二年前吉撫陳電飭東南路道陶與駐延日領事提議令中野來延與程質議收回自辦日領始以非我國先認賠償中野不肯來延相推諉繼更藉口外部業有合辦之說磋商經年迄未解決旋武漢事起交涉停頓迨民國元年農商部成立以程光第秘與日人訂立合同爲不合法仍主張停辦彼此爭執案懸日久仍未解決現聞有程光第之鄉人劉姓與日人某稟請合

辦然其實不過程光第與中野之化身耳歷年外交之結果如此亦可慨已

青石咀銅鑛距省二百六十里屬盤石縣前清光緒三十四年由省派委道員唐家楨爲總辦撥官款銀三萬兩官帖十五萬吊(約值三萬兩)爲開辦費雖未大著成效然勘得苗線甚佳因不獲利於宣統二年改歸滬商唐鑑章接辦以前墊款作爲官股並擬添招商股銀五十萬元以資擴充會逢光復未見實行僅由公同墊款採辦將採得之鑛石售於滬上各洋行而以銅價輾轉經營頗獲餘利但民國三年唐商又自請退辦蓋因接辦之際唐道交代糾葛不清業主李心舟又居奇要素此山迄未出具允許字據故現在此鑛仍歸官辦前省長王揖唐氏派李哲溶爲總辦兼派會辦坐辦等名目撥給官款三萬吊然因糜費過多款項不繼現有請歸部辦之說尙未知如何結局也

磐石縣之玻璃河套鐵鑛距省三百里民國三年有商人許鵬翊等領照勘驗試得鐵質極佳

吉省煤礦尤比五金各礦爲豐富如密山縣屬之滴道山東靉縣屬之佛爺溝吉林縣屬之大石嶺子馬家溝額穆縣屬之萬寶山奶子山寧安縣屬之小北溝賓縣屬之水泉溝等處均苗旺質佳採掘無盡苟使經理得人價廉工省必能行銷遠近北資東清及西比利亞鐵道之用南輪關內供各鐵路要需特歷年辦礦之人總未能招集巨款延聘專家爲充分之計畫及設備往往集有成數卽從事開採費用既繁資本不繼連遭折閱遂爾停止其實煤礦規模本宜宏大決非小本所能經營抑且交通尤宜便利當與鐵道銜接運費既減售價自廉設備完全人工自省更得幹練篤實之人主持其事未始不可謀大發展也

東省馬賊之號稱紅鬍子不知始自何時或謂往昔東省人所用土槍其塞口有紅纓一絛當擊射時去其塞而銜於口遠望如紅鬍故稱紅鬍子或云匪人行劫之際多有戴紅鬍以隱其真面目者此亦一說又有謂俄人流放罪人於遠東往往越界與吾國匪人結合肆行劫奪俄人鬍多而色紅故云紅鬍子三說未知孰

是今則紅鬍子之名遂爲東省盜賊之通稱矣

紅鬍子亦稱胡子夏秋之間樹葉繁茂胡子多隱匿林木間劫掠過往商客俗稱爲青紗帳起行人旅客每值此時相戒裹足且夏秋雨量甚多道途泥濘覆車失足事所恒有固不僅盜匪爲患已也胡子之一行一動一事一物皆有代名詞如擄人勒贖曰綁票不贖而殺之曰扯票富室曰大糧戶馬曰腿槍曰膀子餘名甚多不能備載有一槍則可得贖一分往往一人有槍三五桿卽得爲首領槍法嫻熟才武出衆則奉爲渠魁平居與常人無異亦有室家外來者不知其爲匪也吉林匪患始於前清咸豐季年章奏皆稱金匪時洪楊亂熾八旗披甲大半調遣入關故地方椒擾彌甚同光之間漸次寧靖至甲午戰敗潰兵散卒到處爲患伏莽滋多而馬賊之勢大張顧近年來匪勢實已銳減不過零星餘匪每股少則數十人多則數百名若在十數年前每股人數有達數千及萬名以上者其傑出之材若韓邊外者旣如上所述矣又有唐殿榮者亦爲著名人物唐亦魯人其初流

徒關外充哨官因事罹法子身遁入三姓向爲金匪所踞之溝中深山窮谷人迹罕到殿榮乃招集流亡鬻聚至三萬餘衆以兵法部勒號令嚴明除夾皮溝韓氏外所至無敢與抗者殿榮尤善鎗法故其部下人人有命中之技雖肆行剽掠然絕不擾害本國商民而專以劫奪俄人爲事溝中缺乏糧械子彈輒率衆越界大掠俄屯而返踪跡飄忽俄人無如何也嗣受將軍長順招撫率衆三萬赴省投降長卽保爲都統命駐紮吉林城外分其衆爲若干營並命舉一分統殿榮以屬之其徒綽號十四閻王者其義子劉彈子憾不得分統乘殿榮不備刺殺之亡命逸去

與殿榮同時之著匪則有燕子（姓名不詳此係其綽號）矯健勇鷲縱橫北滿一帶徒黨幾及萬人剽捷善鬥苟忤之無或免俄人受其擾害特甚後爲仇家所瞰乘其不備告官軍捕之就戮於哈爾濱

晚近之著匪則有奉天之金壽山金籍瀋陽其初曾留學日本饒機智富才略梟

悍絕倫鎗法尤佳發無不中徒黨衆多始受軍官職洊擢團長然怙惡不悛仍肆行劫奪民財控案纍纍政府命奉省長官相機圖之民國元年被捕鎗斃獄中大凡燕齊及東三省人性質率直亢爽非如南省瀕海人民之險詐狡譎苟能喻以道義施之恩德可使傾心嚮服捨命圖報特以強權壓之必使屈服於威力之下則橫潰決裂毗睚必報矣昔日著名匪首其才識傑出者一經招撫即赤心爲國至今多有擁高爵厚祿爲一省一邑之保障者其間怙惡之徒亦有嗜財若命託庇外人字下以殘賊同胞者如晚近宗社黨之到處騷擾蒙匪巴布札布之蹂躪東蒙其始皆因一二害群之馬謀一己之利揭竿倡亂外人因勢利導供給餉糈授之軍械兼以租借地爲其逋逃藪以擾害我地方破壞我秩序而彼得間執以爲挾制要求地步坐收漁人之利遂至主權日喪民生日窘推原其故無非一二僉壬之徒賣國營私爲虎作倀而已

上海時報要聞欄內所載西報通信員報告一篇關於日人在奉天租借地之情

形記載頗爲翔實足資參考摘錄於下奉天鐵路區域內之情形與沿南滿路綫其他各該路區域情形如出一轍凡紅鬍子及其他爲華官所洞悉之匪徒日本當局均許其居留於日人地帶之內祇須不犯該區域內之章程卽全不加以干涉華官欲捕此等盜匪屢向日人交涉舌敝唇焦日當局概置不理華官竟無可奈何其他傷風敗俗之事凡引誘諸華人入於毀壞苦難之途者到處皆是如鴉片烟館賭館均不禁止華人妓院公然吸鴉片毫無顧忌凡所謂藥房皆出售嗎啡以極少之量售諸華人苦力俾塞煙癮日人與華人合開之當店則見物卽收不問來歷居留地沿邊各地缺乏路燈殺人越貨之事時有所聞第以盜與被盜者均屬華人故絕不過問有某著名外人告我在通車站之某路盜匪殺人之事甚多以此凡稔悉奉天情形之華人日落後卽不敢獨行此說確鑿有據卽如余近日旅奉時有一歐人以某路較爲直捷趕赴車站忽有武裝盜匪六七人突出攔劫盡取其所有並靴亦攫去其人力車夫腿際受刀傷甚重旋由該國領事轉

咨日領請爲查緝然此等紅鬍子能否就捕則疑問也該路之警務及路燈全不適當非改良不可彼荒野黑龍江省之俄國鐵路居留地時有西比利亞及樺太島之罪犯出沒其間然較之南滿日人所謂文明區域猶覺較爲安甯也

丙辰十月八日係星期後二日爲國慶紀念例得休假因利用此兩休息日之餘暇於七日晚十時半乘南滿汽車赴大連爲遠足旅行籍以瀏覽風物開拓心胸同行者有林君逸侯汽笛一聲車輪轉動解衣登榻漸入黑酣翌晨七點一刻抵奉盟漱甫畢略進晨餐憑窗閑眺但見曠野平疇飄忽而過沿途各站以遼陽大石橋瓦房店數處較爲繁盛建築工程之巨者爲遼河鐵橋然與安奉鐵道之鴨綠江鐵橋相比尙遠不逮山巒幽勝之處如湯崗子萬家嶺均有可觀聞湯崗子有溫泉一浴之可愈癩疥諸疾惜無暇留駐晚七點十分抵大連隨携行李乘車赴中華客棧地名奧町行裝既卸至飲食店略進晚餐隨往市街遊眺但見明燈若電裙屐如雲衢巷喧闐商肆櫛比頗有橫濱神戶景象環行一過入書店購當

地名勝繪片數紙而歸翌日爲十月九日晨八時偕逸侯乘電車赴沙河口至工場事務室先訪其製圖課長武村清君武村於前年曾至路局有一面之識觀面時幾不復省記前事矣寒暄數語後隨蒙其指派繪圖員川崎厚君導往廠內參觀先入製鑄廠繼入機車廠廠內除修理本路各機車外有朝鮮鐵道訂製之機車二輛安南鐵路訂製之機車三輛旋進機器廠所裝機械間有新式爲向日所未見者嗣經由倉庫車輪廠貨車廠折而至客車廠油漆廠木材倉庫更繞入鑄鋼廠鋼軌廠橋梁廠銅廠模型廠動力房返而入鑄物廠鍛冶廠以至電機工作室室中所製機具爲電燈上之機件及電扇之類并見有製造摩托者至此工場各廠咸參觀終了遂返事務室由武村引見工場長森彥三君蒙贈與工場平面圖一紙工場建築概要作業種別動力裝置給水裝置等表冊一分新造機車圖兩張工作月報冊一本一切管理組織情形暨人數薪給均可一覽了然略談數言遂致謝興辭而出仍乘電車回西崗子入電氣公園一遊園以電氣名者因園

內裝置電燈千萬盞每至深晚光輝奪目燦若列星故以電命名此園在市内爲第一名園地據高坡俯臨海灣舉目遠矚但見水天一碧船舶星羅園內有飲食店游戲場運動場演藝館標本陳列所球房以及亭臺池沼等內并有熊豹猴鷹類動物數種布置幽秀林木蒼葱頗堪娛目若在夏日來此納涼更足暢懷來園已逾中午即在飲食肆略進食物與逸侯分道復乘電車赴市外第一名區星浦游觀星浦亦一名園周圍十餘里在大連西南二哩有餘風景絕佳懸崖峭壁出沒海際島嶼碁布極奇詭之致碧海青天浩然一色嘉木芳草雜植紛披數年前滿鐵會社營闢之以延攬游客及爲社員養疴海浴而設者有旅館一處別莊數家百步一亭十步一榻登臨憩息無虞困疲夏日歐美來此避暑者不少周行一過仍乘電車回棧少息走訪同鄉徐聽濤君徐君僑居大連十餘年與周君舜卿等合營油坊事業專製豆油豆餅類銷售於上海及東西洋蓋東省產豆極豐價極廉賤大連及營口兩處最適於榨油事業故業油坊者甚多在日俄戰後業

此者祇有三十餘處現在已有五十餘家據徐君云此業年年贏利唯歐戰以後水脚高貴銷路減縮商况遠不如前僅堪敷衍華人業此者多用舊法先將大豆蒸熟用舊式壓油機壓搾之動力則用騾馬方法拙鈍所抽油分並不十分充足近日人營此業者多用蒸汽電氣及水壓機等爲動力用化學的抽取法搾油所抽油分約及百分之十八九比用舊法成績遠勝所望吾國人亦仿行之逐漸改良也晚蒙徐君招宴於酒樓餐畢隨即赴站汽車於七時十分開行翌日即雙十節午後二時四十五分抵長春乘車返局經北門大街道口張結綵棚列肆懸掛國旗正中祝國慶也

滿清之始居俄謨輝之野鄂多里即今鄂摩和站在敦化縣治北前清宣統二年於其地設額穆縣治當壯丹江下游距吉林三百九十里清紀所謂布庫哩湖天女朱果誕生聖帝之說卽指其地今敦化縣東有布庫哩山山下有池前清時敦化令某訪得其地立石湖邊題曰天女浴躬處附會之談姑妄識之

前清世系係出於金在明代時金之後裔有三大族曰建州即興京曰海西曰野人永樂元年野人酋長入朝建州海西悉內附先後置建州等衛置都司一曰奴兒干以統之官其酋當是時建州衛指揮阿哈出及其子釋家奴等皆以有功賜姓名官都督同知此建州强大之始甚至正統間建州衛指揮董山卽清景祖連兵人犯景泰成化年間疊次犯邊迨萬歷年間建州奴兒哈赤襲殺猛骨孛羅（海西部落）其勢益張自此藐視中國不復入貢與弟連兒哈赤卽清太祖秣馬厲兵擺塘設險邊吏噤悸莫可如何遂敢入關之漸矣

清室自稱其姓爲愛親覺羅其實已經數易當佔據奉天時山東有王臬者家赤貧無以糊口遂乘帆船抵復州以採獵爲生日者順治之母亦率羣姬赴山中採獵忽見一鹿連發三矢不中適王臬與鄧某負弔矢至見迎面來一鹿疾走如流電急挽弓拔矢一發而殪之及順治之母乘馬追至鹿已帶矢斃遂招王臬至馬前見其魁武雄偉赳赳之象無出其右者大喜問其鄉里籍貫王一一告之愈悅

隨挈王鄧入宮命充侍衛由此每出獵必使王爲前驅久之遂有染而生順治順治年七齡卽勇健有力能扛五十斤石鼎且穎悟過人其父恐其長大或知非己出將不以父待已遂遣鄧回家使人截於途而殺之故至今奉天附近猶有打發鄧膀子回家一俗語卽謂戕其命也旣又借他事斬王臬以爲滅口計詎王屍植立不倒使順治跪呼爲父王屍乃倒遂葬之於其祖塋自國初以迄清末每祭其祖必先祭王臬吉林亦有先祭王臬後祭皇陵之諺某山又有王臬石之記念是則清之皇統在入關以前已屬漢姓矣

滿清自四貝勒卽清太宗奪得遼河以東地遷居遼陽改卜瀋陽而後脫離野蠻創作文字強自冠帶故自太宗以降之支派稱宗室用黃帶以上直無譜牒可稽其於同部之子孫概冠以覺羅二字別爲紅帶故奉天滿人中宗室甚多而吉林根本之地反絕少職此故也



勘誤表

第六頁	第十七行	第二十五字他當改地
第七頁	第十二行	末一字轉與輻顛倒
第十七頁	第十五行	第八字中下缺一山字
第十九頁	第十八行	第十四字稱當改立
第十九頁	第二十四行	第二十字珠當改殊
第二十二頁	第一行	開首缺山嶺之雄奇無七字
第二十九頁	第一行	第二十九字下應加入參觀南滿路工場
第三十一頁	第四行及第六行之二	臬字均應作臬